



Beeld: ©NP/Hollandse Hoogte/Robin Utrecht

14 juni 2024

Prólogo

Den e último lunanan ku a pasá nos a tuma pasonan importante huntu den e proseso di pidimentu di despensa. Awe, e ocho ministernan envolví a informá Tweede Kamer tokante e lantamentu di e Komité di Konmemorashon di Pasado di Sklabitut i e tarea ku e komité lo haña. A proponé un presidente, i awe a nombré ofisialmente pa Konseho di Minister. E ta presentá su mes na boso den e boletin aki.

Tambe, den e karta pa kamer a anunsiá ku e plan di supsidio pa iniciativa sosial na Hulanda Europeo i na parti Karibense di Reino lo publiká dia 1 di yüli.

Djaluna dia 1 di yüli, pa di 22 biaha, lo tuma lugá e Konmemorashon Nashonal di Historia di Sklabitut Hulandes na e monumento di sklabitut na Oosterpark, Amsterdam. E aña aki, dia 1 di yüli 2024 tambe ta marka e fin ofisial di e Aña di Konmemorashon, den kua lo organisá diferente aktividatnan i eventonan den henter e pais.

Lantamentu di e Komité di Konmemorashon di Pasado di Sklabitut.

E historia di sklabitut ta un historia di nos tur. Pa rekordá e episodio aki for di nos historia i pa mantené atenshon riba e historia di sklabitut bibu, ta importante pa rekordá huntu. Den un karta pa kamer anteriormente, di 19 di desèmber 2022, nos a anunsiá e formashon di un Komité di Konmemorashon di e Pasado di Sklabitut. Pa esaki, lo tin un suma disponibel di € 8 mion anualmente.

E Komité di Konmemorashon di Pasado di Sklabitut den formashon ta haña e tarea pa:

- E responsabilidat pa organisá e Konmemorashon Nashonal riba 1 di yüli den henter Reino; esaki ta den e promé instansia pa rekordá e pasado di sklabitut trans-Atlántiko ku atenshon pa e propósito di rekuerto, inklushon di tur komunitatnan (a lo ménos Afro-Surnam, Afro-Karibe, Maron i Indígena) i e unifikashon den Reino i ku Surnam, si Surnam tambe ta deseá esaki.
- E responsabilidat pa oumentá konsientisashon sosial tokante e pasado di sklabitut i su impakto riba presente den Reino.
- E stimulashon pa hasi investigashon tokante pasado di sklabitut.
- Fasilitá i sostené desaroyo di otro konmemorashon i selebrashonnan ku ta importante pa rekordá e pasado di sklabitut den Reino.
- Krea konsulta ku Surnam tokante nan partisipashon den e Komité pa Rekordá Pasado di Sklabitut.
- Laga investigá huntu ku e komunitatnan envolví si den futuro mester amplia e alkanse di e rekuerto, tantu di forma geográfiko òf forma temátiko.
- Huntu ku partnernan sosial, eksplorá e posibilidat pa hasi di 1 di yüli un dia liber i Fiesta Nashonal den Reino.

Pa forma e komité aki nos a traha di serka ku desendientenan i otro personanan relashoná den henter Reino i Surnam. Nos a dialogá kon un komité di konmemorashon mester ta i kiko lo ta e perfil di su miembronan i presidente. Un

konklushon importante tabata ku no tin solamente un manera pa konmemorá. Tin nesidat pa forma konmemorashon for di kada ken su mes historia, komunidad i kultura. Ku atenshon pa diferente datonan i kultura di konmemorashon. Pero tin tambe e nesidat pa un konmemorashon unda kada hende por identifiká nan mes. Kon pa duna forma na esaki, e Komité di Konmemorashon, ku lo bai krea, lo por sigui investigá i elaborá.

NiNsee ta lucha hopi aña kaba pa rekonosementu di historia di sklabilitu i a kontribuí hopi na e konmemorashon anual di 1 di yúli na Oosterpark. Nan ekspertisio, eksperensia i ret ta esensial pa e Komité di Konmemorashon nobo. Pa e motibu aki, na 2025 i 2026 NiNsee lo organisá e konmemorashon nashonal riba 1 di yúli bou di e supervishon di e Komité di Konmemorashon. Ademas, NiNsee lo proponé un kandidato pa un di e posishonnan den e Komité di Konmemorashon di Pasado di Sklabilitu ku a krea.

Bo por lesa e karta kompletu ku splikashon di e komposishon i struktura di e Komité di Konmemorashon, [aki](#).

Presidente di e Komité di Konmemorashon di Pasado di Sklabilitu ta presentá su mes na bo


Den e Konseho di Minister di awe, 14 di yúni, a aseptá e nombramentu di Astrid Elburg komo presidente di e komité den formashon aki.

Den e di dos parti di 2024 lo nombra e miembronan di e komité. Representashon geográfiko ta e base pa e nombramentu. A pidi kada gobièrnu di e (isla) paisnan pa asigná un miembro.

Astrid Elburg a nase dia 14 di yúni 1958 na Paramaribo, Surnam. E ta biba na Amsterdam. E ta un consehero di organisashon, e ta guia organisashonnan den e área di liderato di inklushon. Ademas, e ta dosente na Vrije Universiteit Amsterdam i Nyenrode Business Universiteit. xx tin hopi eksperensia na nivel di gobernashon i entre otro, e ta presidente di e Raad van Toezicht Muiderslot.

E ta presentá su mes na boso den e video aki abou.

[Voorzitter Herdenkingscomité Slavernijverleden stelt zich voor | ENG \(youtube.com\)](#)



Regla di subsidio pa inisiativanan sosial

Dia 1 di yúli 2024 lo publiká e plan di subsidio pa proyekto sosial na Hulanda i na parti Karibense di Reino den Staatscourant. E reglanan lo drenta na vigor despues. Lo anunsiá e fecha eksakto despues. Entre e publikashon di e reglanan i e momento ku por hasi petishon, lo organisá seshonnan di informashon pa solisitantenan. Durante e periodo aki, lo duna tambe mas informashon tokante e komishon di konseho, e periodonan di petishon i e fecha di inisio eksakto.

Na Surnam, nan ta traha riba un dokumento pa subsidio pa proyektonan sosial. E dokumento aki ta splika ken por hasi petishon pa subsidio, kon pa hasi esaki, kiko ta e meta i kua kondishonnan ta konta. E ta yuda na e evaluashon i otorgashon di supsidionan. E diálogonan entre Surnam i Hulanda tokante esaki ta bai na nan mes ritmo. Surnam ke forma un plataforma pa desendientenan di hendenan ku tabata sklabisá i otro personanan relashoná. E presidente di Surnam lo krea e plataforma

Djaluna 1 di yüli Konmemorashon Nashonal di Historia di Sklabitut Hulandes na Oosterpark

E instituto Nashonal Hulandes pa pasado di sklabitut i herensia (NiNsee) ta organisá pa di 22 biaha, djaluna 1 di yüli di 14.00 te ku 15.30, e Konmemorashon Nashonal di Historia di Sklabitut Hulandes na e monumento di sklabitut na Oosterpark, Amsterdam. Durante e konmemorashon anual aki nos ta rekordá e historia hopi doloroso di e pasado di sklabitut trans-Atlántiko.

E seremonia di konmemorashon na Oosterpark ta kuminsá 14.00 i lo transmití esaki direktamente na NPO 1, BVN i via NOS.nl. Tambe lo transmití e seremonia via livestream i asina esaki ta disponibel online pa e habitantenan di Surnam i e parti Karibense di Reino. E Festival anual di Keti Koti, kual ta sigui e konmemorashon na Amsterdam, unda nos ta selebrá abolishon di sklabitut, lo tuma lugá manera aña pasá na Museumplein.

Fin di Aña di Konmemorashon di Pasado di Sklabitut

E aña aki, dia 1 di yüli 2024 ta marka e final ofisial di e Aña di Konmemorashon, 160 aña despues di abolishon legal di sklabitut. Durante e aña di konmemorashon 2023/2024, den Reino Hulandes nos a rekordá e historia di sklabitut trans-Atlántiko i su efekto kontinuo te ku awe. A organisá diferente aktividatnan i eventonan den henter pais.

“E fin di e Aña di Konmemorashon di e Pasado di Sklabitut ta na bista i aña pasá a duna nos hopi. Den término di diferente inisiativanan den e área kultural i tambe e diferente konmemorashonnan den Reino. Tòg ta importante pa sigui traha huntu pa duna atenshon struktural na e efektonan di e pasado di sklabitut trans-Atlántiko. E efektonan di e historia aki ta bai mas leu ku solamente e ‘simbolismo’ di konmemorashon. E enfoke mester keda riba e proseso di ‘despues di e kòma’ i di sanashon i rekuperashon”, segun Linda Nooitmeer, presidente di e direktiva di NiNsee.

Minister Dijkgraaf, minister koordinadó di e Aña di Konmemorashon di Pasado di Sklabitut, “Ta algu spesial pa bolbe na e lugá kaminda Rei a pidi despensa un aña pasá i a pidi pordon pa e pasado di sklabitut Hulandes. For di e momentu ei diferente inisiativanan nobo a surgi den e senario nashonal pa huntu rekordá e periodo doloroso di nos historia kompartí i selebrá e elasticidad di desendientenan di esnan ku tabata sklabisá. Huntu nos a kuminsá un trayectoria pa no bai bèk den pasado. Ta balioso pa nos tuma un momentu huntu pa reflekshoná riba esaki, i pa sigui promové e moveshon aki despues di e Aña di Konmemorashon.”



Herdenkingsjaar Slavernijverleden

‘Ken nos ta’ – un diálogo sosial

Tambe despues di 1 di yüli atenshon lo keda pa e pasado di sklabitut. E pasado di sklabitut ta un pasado di nos tur. P’esei ta importante pa komprendé kiko a sosodé i kiko ta nesario pa sana esaki. Pero hopi siudadano ainda no tin suficiente konosementu tokante e pasado di sklabitut i su efekto riba nos sosiedat aktual. For di diálogo ku desendientenan a sali un tarea kla pa Gobièrnu di Reino pa krea un diálogo sosial amplio tokante esaki.

Te ku novèmber lo tin 25 lokalidat den henter pais, di festivalnan te merkadonan i plenchinan kaminda lo kuminsá ku diálogonan. 'Ken nos ta' ta invitá hendenan pa papia tokante e pasado di sklábitut. E komienso di diálogo ta inspirá riba, i ta forma un variante grandi di, e wega 'Ken esaki ta'. Partisipantenan lo deskubrí kiko ta e impakto di e pasado di sklábitut riba e sosiedat. E meta ta pa nan huntu oumentá nan konosementu tokante nos pasado kompartí.

Den 'Ken nos ta' tin portrètnan di hendenan ku na un manera determiná tin algun tipo di relashon ku e pasado di sklábitut. Den 'Ken nos ta' partisipantenan ta kuestioná nan mes perspektiva i esun di otro. Un lider di diálogo ta guia nan den e prosesonan. Den e proyekto aki, nos ta traha huntu ku búró Public Cinema, stichting De Balie i diseñadó artístiko Mathieu Wijdeven



Bishita di trabou di sekretario di estado van Huffelen

Dordrecht 6 mei 2024

Durante e bishita na Dordrecht, e sekretario di estado a papia ku fundashon CECD (Cultureel Educatief Centrum Dordrecht). E fundashon aki ta traha pa amplia konosementu i konsientisashon tokante e pasado di sklábitut na Dordrecht. Fundadónan Sidney Breidel i Ilse van Donkelaar a risibí e sekretario di estado i a konta tokante nan trabou. Un punto kulminante tabata e apertura di nan ofisina prinsipal nobo den e Edifisio di Stashon di Dordrecht, loke tabata posibel pa medio di kolaborashon ku NS i Familia Insinger.

CECD, NS, i Stichting Insinger ta traha huntu pa pone e pasado di sklábitut na bista. CECD ta organisá proyektonan edukativo, manera eksposishonnan i reunionnan, bou di e lema "Deskubrí, topa, brasa". Konsehal Rik van der Linden a enfatisá e importansia di e investigashon aki.

Na Dordrecht hopi partidonan ta traha pa un siudat di inklushon. Un ehèmpel ta e obra di arte Mama Asia Dordrecht, ku ta un símbolo di speransa i inspirashon.

E alkaldé di mucha a ekspresá su deseo pa duna lèsnan riba diskriminashon i rasismo, pa asina no diskriminá e muchanan mas i por bira konsiente di e historia.



Zwolle 13 di mei 2024

Na Zwolle, sekretario di estado Alexandra van Huffelen a papia ku Shirley Kambel i representantenan di ANNO Stadsmuseum Zwolle, un kolaborashon entre Stichting Allemaal Zwolle, Collectie Overijssel i e departamentu di Herensia di Gemeente Zwolle.

Zwolle tin un historia riku, ku e promé museo kolonial di Hulanda. Durante e

bishita tabatin diálogonan importante tokante kon pa manehá e pasado di sklabbitut i e pasonan neserario pa rekuperashon i sanashon.

Na yüni añá pasá, Overijssel a pidi despensa pa su ròl den e pasado di sklabbitut. Komisario di Rei Andries Heidema a enfatisá e importansia di e rekonosementu aki i e efekto di desigualdat den sosiedat.



Hoorn 10 di yüni 2024

Durante e bishita na Hoorn, Alexandra Van Huffelen a papia ku partisipantenan di e dokumental "HUMAN 2Doc: De stad, het Standbeeld en het Slavernijverleden" tokante e impakto di e pasado di sklabbitut den e siudat. Burgemeester Jan Nieuwenburg a risibí e sekretario i e tim den e históriko Statenlogement i a konta tokante kon Hoorn ta manehá su pasado, inkluyendo investigashon ku ta kanando.

Ounke tabatin diferente opinionnan tokante kon pa manehá e pasado di sklabbitut, e diálogo tabata respetuoso. Esaki ta mustra kon hendenan por manehá diferente ku e historia aki, pero tin un konsenso kompartí tokante e kosnan negativo di e periodo ei.

E diálogo a enfatisá e importansia di kolaborashon pa un Hoorn i Hulanda ku mas inklushon, i a duna mas kontenido na e proseso di e kòma despues di e pidimentu di despensa.



Pa konkluí

Tin temanan ku bo ke lesa atrobe den e boletin informativo aki òf ke papia ku nos tokante kualke asuntu? Ku plaser nos lo ke tende esei. Bo por aserká nos via: PostbusProgrammaSlavernijverleden@minbzk